

二韭室詩餘別集
青芙館詞鈔



二風堂詩集卷之二
書
其
體
明
妙

二韭室詩餘別集

陳壽祺 著

中華書局

此據滂喜齋叢書
本排印初編各叢
書僅有此本

二韭室詩餘別集

山陰陳壽祺珊士

臨江仙 新月

一抹蛾眉纖樣。阿誰畫向黃昏。亭亭怯怯驛微雲。相思正好。瘦影殢花魂。最是開簾拜處。清暉斜逗羅裙。美人纖指搯微痕。朝來明鏡裏。深淺昵郎勻。

南浦月 春閨送別

一夜離愁。朝來清減腰支細。落花聲裏。門外天涯地。楊柳依依。飛絮渾無際。君知未。任風拋棄。總寓纏綿意。

金縷曲 賀研雲童二三娶。時九月望日也。

月色團圓矣。倩姮娥、重描鴛牒。照來花底。穗帳擡烟銀簾小。珍重晚

秋天氣。須臾過。鐘邊涼意。試問劉郎前度後。到而今。債欠相思幾。好打疊。那人替。魚犀偷整。嬌回睇。儘綢繆同心小字。風流印臂。兩次情天教恨補。贏得紅絲再繫。者纔是。三生豔記。漫道胡盧依樣畫。算美人。稿定重新起。肯寄我。玉臺體。

沁園春 雪美人

彼美人兮。是耶非耶。立而望之。看冰肌瘦削。玉肩微蹙。苔階悄立。無限嬌癡。畫稱紅蕉。香輪綠萼。小字端宜贈雪兒。含情處。正花飛數點。纖手拈時。天仙謫下瑤池。無可奈。珊珊步也遲。縱心寒如水。腸枯似井。花天月地。一樣相思。怨共雲團。迴兼風舞。多少春愁強自支。銷魂候。又夕陽庭院。此恨誰知。

洞仙歌

癸丑春。從友人借閱。徐譜得茲。南菱半幀。款署慧卿。係以美人。畫詞索閱。友和者。中列洞仙歌。韻次六字。原

詞不錄。惜哉。雨窗無偶。按韻填之。亦消遣法也。

銀篦膩處。正晨妝催後。春鞦雲鬟影憐瘦。看憨傳半面。豔疊同心。明鏡裏。巧把相思綰就。高低隨意好。新樣傳來。笑問檀奴稱宜否。釵尾燕茸新。重蘸豪犀。又午睡、惺忪時候。待茉莉、夜深鬢邊開。有別樣幽香。枕函消受。

惜分飛 送春

和淚和愁黏幾許。都做天涯飛絮。夢斷尋何處。綠紗窗外惜惜雨。春光此別渾無主。定到那人邊去。花下丁寧語。見時千萬和郎住。

洞仙歌 記夢

遊仙一夢。怎生生驚醒。妥貼殘魂到欹枕。似分明記得。小扇輕衫。正羸箇、夜月紅樓人靜。春痕無覓處。黯黯牀頭。影事模糊怕重問。好個可憐宵。獨自溫磨。聽簷外、亂更淒緊。倘得個、斷夢續花邊。願魂化銀蟾。描伊小影。

西子妝

詩夢攙涼。茶烟誤晚。秋意商量一半。疏痕紅上蓼花枝。笑斜陽、何曾
瘳慣。調停酒醺。莫先被、鸚哥偷喚。燕歸來。又描摹愁稟。月明池館。
煙波遠。獨自偎寒。燈影如儂嬾。西風吹恨到妝樓。悄黃昏、玉釵敲斷。
海棠不管。贏得个、相思零亂。問朝來、多少魂銷枕畔。

菩薩蠻

閒攜酒榼尋花去。簫聲吹徹瀟瀟雨。雨過野花涼。春山底樣香。柳
陰穿逕曲。好鳥如人熟。流水夕陽中。白雲波底紅。

柳梢青 愁

鎖日慊慊。羅衾熨遍。夢也人憐。梅子心情。石榴滋味。併做酸甜。金
鍼撇了還拈。酒醒處。斜陽半簾。依樣描來。和盤托出。只此眉尖。

菩薩蠻 廿七 黎莊題壁

酒盃不慣愁滋味。閒情商略秋燈裏。今夜玉衾孤。紅樓睡也無。起
來窗未曙。殘夢風吹去。若解箇儂心。吹他向那人。

太常引。

春風不管箇儂癡。幾次賺歸期。剛待不相思。又偷把金釵卜伊。
懨懨心地。鵝衾尋遍。夢也把人欺。夢若果真時。也留個薄情影兒。

洞仙歌

玉簫訪豔。記小梁橋過。門掩花陰淨珠唾。正粉闌雙燕。喚起梳頭。消
受者。半晌脂香閒坐。妝成嬌顧影。背昵星釵。茸蜨惺忪貼烟妥。疏
地袴花涼。罩上輕容。問簾外小風寒麼。看笑撚花枝立郎邊。但微幸
相憐。無言都可。

前拍

綠窗晝靜。算蕭郎重到。窄地湘簾影都悄。有濛濛花氣。貼向衾邊。濃

睡裏越顯箇人嬌小。玉臆香未減。小枕低鬟。羅帳垂垂護烟曉。好夢向誰邊。此子春痕。偏箇裏朦朧欲笑。怪鸚母。簷前說人來。忽驚覺。擗身。梨窩紅了。

前拍

渭城唱罷。滯閒情多少。眼底安排甚般好。算麝巾絨淚。鴛軫商愁。便飄泊。也合幾生修到。簾心微月白。涼入鸞衫。幾點秋星帶花曉。月也可憐生。如此離筵。偏要爲愁人雙照。縱容易。明年得重來。恐別後櫻桃。啼鶯都老。

前拍

久拚拋却。怎今宵幕地。舊事重重又兜起。算秋邊賭句。花底評香。生換了。獨自扶頭滋味。玉樓何處是。青鳥銀屏。花葉書成怎生寄。紅豆種西風。采向天涯。知此是相思根蒂。只密意。如絲不能拈。待織就。

迴文一星星記。

望江南

丙辰冬仲由大梁赴袁江車行每日記一詞共得十一解。昨檢故篋僅存其二。餘則散失。不復記憶矣。因補錄此。

歸去也。斜日下睢州。邨外不曾閑戰馬。門前猶自臥耕牛。香稻幾家收。

歸去也。天外戰雲愁。旗影碧搖殘堞角。塔尖紅過亂山頭。無恙到徐州。

醉花陰

戲贈東陽生

斷魂風雨無憑準。賺煞花情性。移燭向燈邊。一箇情人。兩箇相思影。酒懷不耐秋宵冷。殘夢愁中醒。縱不憶人時。藥氣羅衾也。念些兒病。

卜算子

十二夜宿雙樓

好箇可憐宵。打疊閑衾枕。月自團圓酒自溫。夢自秋邊冷。
續續漏聲沈。漠漠茶烟醒。紅是燈兒綠是窗。瘦是人兒影。

虞美人

三月十一海上臥病聞浙省寇警欲歸未能感枯此解

牡丹花底紅闌折。燕與人俱客。閒情已是不禁春。何況春來小病與愁并。
飄零身世傷離亂。不管絲魂斷。家書一紙未開緘。先向題籤兩字看平安。

洞仙歌

懨懨睡起。把夢痕重認。十二紅樓斷芳訊。笑朦朧燕子。生怕春愁。先悄地。覓箇香巢棲穩。
孤雲吹不斷。翦了還連。影事淒涼怕相問。容易說無情。道是天涯。却偏又隔花人近。也忒煞難猜個中緣。縈一縷情絲。儘人消領。

醉花陰

山塘卽景和玉森汪同年韻

畫船細雨黃花夢。羅扇新涼透。水樣好秋宵。商略清遊。莫放西風舊。
水沈香屑溫金獸。月色明如畫。人倚水窗邊。脈脈銀河。吹墮天孫宿。

滿江紅

蕤客以團扇屬叔云畫牡丹書自填滿江紅詞寄人即次原韻調之

箇樣風懷。剛寫上。砑金羅扇。算一捻。團圓深意。除花曾見。粉葉羞攏衫影薄。唾茸嬌沁脂香煖。問髻邊。春色畫中愁。誰長短。巾麝冷。銀梳券。琴鴈瘦。紅蘭怨。怎珠鐙無賴。夢隨人遠。翠幔小風。雖燕病。綠榴殘月啼鵲嬾。又幾時。花底訴相思。憑肩看。

前調

美人抹胸

燈下擊鉢唱韻與叔子越縵同作

熨貼春愁。正深護。玉窩溫處。看半褶。詞黎新樣。微熏蘭炷。繡襦軟兜。胡蝶翅。錦袿尖簇。春鸚味。背銀鐙。羞影解春衫。防輕露。遮爪印。圍腰素。情密密。綉如許。記郎心。却月。定情偷賦。粉領斜縈珠一索。雪臍

暖約金雙縷。算玉包、肚曲最銷魂。鸞簫訴。

前調 美人鞋尖。與越縷同作。

銜出珍珠。恰鳳嘴、纖纖新染。看拖逗、鬱金裙縫。半鉤春淺。握處巧分菱角。縹。兜時暗刺苔鬚軟。更迷藏、簾底一絲紅。忘遮掩。疎雨陌。東風院。閒立處。情何限。怪落花無賴。春痕偷翦。莎徑蹴毬金縷濕。秋堂點拍香綯煖。道蘭芽、一樣可人憐。量還欠。

雨中花

驀地相逢無可說。悄攜手、畫闌干折。耳葉羞紅。眉梢蹙翠。春在桃花月。燕子分明還記得。怎瞞過、東風消息。水樣輕寒。烟般斷夢。縹了春衫纈。